



Na osnovu Odluke o potrebi zapošljavanja broj: 01-06-36834/21 od 19.11.2021. godine, Javno preduzeće Elektroprivreda Bosne i Hercegovine d.d.-Sarajevo, objavljuje

O G L A S
za zapošljavanje 1 pripravnika na određeno vrijeme
u Direkciji Društva

Javno preduzeće Elektroprivreda Bosne i Hercegovine d.d.-Sarajevo objavljuje Oglas za zapošljavanje 1 pripravnika u Direkciji Društva.

Zapošljavanje novog pripravnika će se izvršiti na određeno vrijeme u trajanju od 1 godine, na radnom mjestu:

Stručni saradnik za poslove organa Društva, u Uredu Sekretara Društva, 1 izvršilac, sa mjestom rada u Sarajevu.

Na navedenom radnom mjestu, između ostalih poslova, obavljaju se i sljedeći poslovi:

- Učestvovanje u poslovima pripreme i organizacije sjednica Skupštine Društva i Nadzornog odbora,
- Vođenje zapisnika sjednica Nadzornog odbora,
- Učestvovanje u predlaganju naloga i uputstava i obavještenja u vezi sa provođenjem odluka organa Društva,
- Praćenje realizacije usvojenih planova rada i učestvovanje u izradi periodičnih izvještaja o stepenu realizacije,
- Učestvovanje u vođenju propisanih evidencija,
- Učestvovanje u pripremi informacija dioničarima u svrhu ostvarivanja njihovih prava, a koji ne predstavljaju poslovnu tajnu,
- Učestvovanje u predlaganju mjera i aktivnosti za provođenje odluka i zaključaka organa Društva.

Kandidati treba da ispunjavaju sljedeće uvjete i to:

- da su državljani BiH,
- da posjeduju visoku stručnu spremu, pravne struke,
- da su visoku stručnu spremu stekli po propisima iz oblasti visokog obrazovanja koji su se primjenjivali prije početka primjene Okvirnog zakona o visokom obrazovanju u Bosni i Hercegovini ili da su visoku stručnu spremu stekli završetkom najmanje I ciklusa studija u skladu sa Okvirnim zakonom o visokom obrazovanju u Bosni i Hercegovini,
- da posjeduju sposobnost samostalnog rada na računaru i
- da do sada nisu obavili pripravnički staž, odnosno da nemaju radno iskustvo od 1 godine u traženoj stručnoj spreml.

Kao dokaz o ispunjavanju uvjeta, kandidati su dužni u originalu ili ovjerenoj kopiji dostaviti sljedeću dokumentaciju:

- potpisanu prijavu na Oglas,
- biografiju/CV,
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),

- diplomu visoke stručne spreme tražene struke, sa obaveznim dodatkom diplomi koji sadrži prepis ocjena,
- potvrdu, uvjerenje, certifikat ili drugi dokaz o traženom nivou poznavanja rada na računaru,
- izjavu ovjerenu od nadležnog općinskog organa da do sada nisu obavili pripravnički staž, odnosno da nisu stekli radno iskustvo u traženoj struci u trajanju od 1 godine (izjava se daje pod materijalnom, moralnom i disciplinskom odgovornošću) i
- prijavu mjesta prebivališta/CIPS.

Kandidati koji su trenutno stipendisti JP Elektroprivreda BiH d.d.-Sarajevo ili koji su bili stipendisti dužni su u dokumentaciji dostaviti dokaz o toj činjenici.

Rok za podnošenje prijava je 8 dana od dana objavljivanja oglasa.

Sa kandidatima koji ispune uvjete iz Oglasa obaviti će se pismeni ispit, a sa kandidatima koji polože pismeni ispit obaviti će se i usmeni ispit.

O vremenu, mjestu i načinu održavanja pismenog i usmenog ispita kandidati će biti blagovremeno obaviješteni.

Kandidat koji bude izabran biće upućen na ljekarski pregled radi utvrđivanja njegovog zdravstvenog stanja i radne sposobnosti za obavljanje poslova radnog mjesta.

Prijava sa potrebnom dokumentacijom, lično ili putem pošte, dostavlja se, na adresu:
JP Elektroprivreda BiH d.d.-Sarajevo
Sektor za ljudske resurse
„Oglas za zapošljavanje 1 pripravnika u Uredu Sekretara Društva“
71000 Sarajevo, Vilsonovo šetalište 15

Nepotpune, neblagovremene i neuredne prijave neće se razmatrati.

Kandidati će biti pismeno obaviješteni o ishodu oglasa, a priložena dokumentacija neće se vraćati.